



Parlamentarna skupština Bosne i Hercegovine

Predstavnički dom

n/p: g-din Božo Ljubić

Dom naroda

n/p: g-din Radoje Vidović

Tuzla, 08.03.2013.g

Poštovani,

Jedno od temeljnih prava djeteta je pravo na indentitet, sukladno međunarodnim standardima, kao i nacionalnim zakonodavstvom u Bosni i Hercegovini. Konvencija o pravima djeteta UN, koju je Bosna i Hercegovina ratifikovala, obavezuju državu potpisnicu da omogući djetetu pravo na ime od rođenja i pravo na sticanje državljanstva (čl.7 CRC). S tim u vezi, država je obavezna da uspostavi i štiti sve bitne aspekte djetetovog identiteta.

U našoj zemlji dijete dobija identitet upisom u matične knjige rođenih i dodjelom jedinstvenog matičnog broja građanina, kao osnov za uvođenje u sva ostala ljudska i građanska prava. Nažalost, od 12.februara 2013. godine, kada je Ustavni sud suspendovao član 5. Zakona o jedinstvenom matičnom broju, djeca rođena nakon pomenutog datuma, ali i druge osobe koje nemaju regulisan jedinstveni matični broj, ne mogu dobiti isti, što za posljedicu ima ugrožavanje cijelog spektra njihovih osnovnih ljudskih i građanskih prava, prije svega pravo na slobodu kretanja, na zdravstvenu zaštitu i drugo. UN Komitet za prava djeteta je, u okviru poslednje Preporuke izdate državi BiH, izrazio zabrinutost činjenicom da u Bosni i Hercegovini još uvijek ima oko 5000 djece koja od ranije, iz različitih razloga, nisu upisana u matične knjige rođenih i nemaju pravni identitet, i zahtijevao od države da, kao stvar od prioritnog značaja, nastavi i ojača napore na uspostavljanju sistema koji će obezbijediti upis u matične knjige rođenih za svu djecu. Predmetni razvoj situacije u našoj zemlji još više usložnjava istaknuti problem. Vijeće ministara BiH je na jučerašnjoj sjednici uputilo u parlamentarnu proceduru novi prijedlog Zakona o izmjenama i dopunama Zakona o jedinstvenom matičnom broju, po hitnom postupku. S tim u vezi, Mreža nevladinih organizacija „Snažniji glas za djecu“ potpuno podržava inicijativu vijećnice Općinskog vijeća Tuzla g-đe Nade Mladine i zahtijeva od poslanika Parlamentarne skupštine BiH, da u skladu sa ljudskim, moralnim, ali i profesionalnim obavezama i odgovornostima prema svakom djetetu u Bosni i Hercegovini, učine sve da usvajanje navedenog zakona bude prioritno pitanje na narednoj sjednici Parlamentarne skupštine BiH. Zahtijevamo da se nosioci najviše zakonodavne vlasti u BiH, prilikom razmatranja i usvajanja navedenog zakona, vode primarno najboljim interesom djece.

U ime Mreže „Snažniji glas za djecu“,

Mirsada Bajramović

Udruženje „Zemlja djece“

UG „Zdravo da ste“ Banjaluka, HUG „Naša djeca“ Sarajevo, UG „Budućnost“ Modriča, UG „Svjetionik“ Prijedor, UG „Sretni Romi“ Tuzla, Udruženje „Zemlja djece“ Tuzla, UG „Udruženje za mentalno nedovoljno razvijena lica“ Banjaluka, UG „Budimo aktivni“ Sarajevo, UG „Centar za prava djeteta“ Konjic, UG „Fondacija lokalne demokratije“ Sarajevo, UG „Naša djeca“ Zenica, UG „Step by Step“ Sarajevo, UG „Sunce nam je zajedničko“ Trebinje, Udruženje „Vesta Humanitarna Organizacija“ Tuzla, UG „Sunce“ Mostar